

WIRIJO, SOEDJANA
BAB PAGAJEJANE WONG WADON.

XXXIII:-
837

284.840

PERPUSTAKAAN NASIONAL RI.

Tanggal	: 31 Mei 2013
No. Induk	: 62920/PN-MUSEUM/13
BIB - ID	:
Beli / Hadiah	: Ex. Museum

0010 - 6538 7860

0112528893

B A B

PAGAWÉJANÉ WONG WADON

DOOR

SOEDJĀNĀ-WIRIJO,

MANTRI GOEROE DER 2^e KLASSE SCHOOL TE PRÉGOLAN

(SOERABAJA).

~~~~~  
TJAP-TJAPAN KANG KAPINDO.  
~~~~~

Kaetjap ing pangetjapané Kangdjeng Gouvernement
ing nagārā Batawi, taheen
1909.





JAVAANSCH E VROUW AAN HET WEEFTOESTEL VAN AMPEL SOERABAJA.

N E N O E N.

Saroepaning bakal sandangan kang koanggo ikoe wiwit-
ané koedoe ditenoen disiq. Ing djaman saiki ing tanah Djåwå
kéné arang-arang wong kang nglegoetaqaké nenoen. Bédå
karo djaman bijèn, mèh angger wong wadon biså nenoen,
mandar dadi pangoepå-djiwané. Moelané djaman saiki arang
wong nenoen, sabab kentèl, jå ikoe bakal kang ditenoen
wong djåwå, ora pati pajoe, kalah karo mori weton nagårå
Walåndå, Djepang, Tjinå oetåwå sårå tanah sabrang lijané.
Pådå-pådå mori, kang kaleboe laris dèwé, mori weton nagårå
Walåndå, sabab moerah regané, toer betjiq dasaré. Déné
kentèl ikoe woedjoedé kasar, nanging awèt kanggoné. Ing
tanah Djåwå tengah isih akèh wong kang nganggoqaké kentèl
maoe, jå ikoe digawé klambi oetåwå djarit, djenengé loeriq.
Loeriq ikoe larang regané.

Kang ditenoen wong Djåwå ikoe lawé. Lawé ikoe sang-
kané sårå kapoeq kapas. Kapas bisané dadi lawé, koedoe
digiling disiq sarånå gilingan kapas, soepåjå pisahå karo
woekoené, noeli diwoesoni. Sawoesé poetih, bandjoer diantih
nganggo djåntrå.

Bab anggiling kapas, moesoni, ngantih lan nenoen ikoe kabèh
pagawéjané wong wadon, wong lanang ora gepoqan pisan-
pisan. Moenggoeh pagawéjan ing doewoer maoe, pirantiné
kabèh gegawéané wong Djåwå, wewangoenan sartå woedjoedé
wadag oetåwå wagoè banget. Déné pirantiné wong nenoen
råå rowå sawatårå.

Ing gambar doewoer iki anā gambaré djoeroe-tenoen wadon panoedjoe nenoen.

Kang anā ngarepé ikoe piranti tenoenan, kang wis ditata miranti. Djoeroe tenoen ikoe kaja-kaja loenggoeh ing dingklik. Kang loemrah wong nenoen ikoe ora loenggoeh ing doewoer nanging moeng slondjor anā ing lemah alèmq klasa oetawa lampit, terkadang nganggo kasoeran. Déné pirantiné ora patrowa sarta ora betjiq kaja ing gambar iki.

Kang ditenoen ing gambar iki wangoené doedoe lawa gawéjan Djawa, nanging bolah soetra, katara seraté aloes. Soetra tenoenan ikoe loemrahé gadangan dibaŋq digawé sarong oetawa djarit paméran, kajatā: kanggo botjah tetapan oetawa pengantèn. Sarong oetawa djarit kang mangkon maoe kekembangané soq dipradā, moelané regané nganti tekan satoes roepjah oetawa loewih.

Pirantiné wong nenoen ikoe warna-warna, kajatā: pantjadan, tjatjaq, gebeg, gondong, djeŋoel, glègèn, walirā, soeri, soepit, por, lorogan, soembi, kéréqan, tropong, oeda-oeda, tampar, sikat, oendar oetawa ingan lan anā lijané manèh.

Senadyan akèh warnané piranti tenoenan ikoe, éwa déné kang nglakoqaké tjoekeop wong wadon sidji baé, swarané kroengoe saka kadohan, terkadang kroengoe mangkéné: drèg, drèg, slèrèg, tèt. Piranti kang moeni mangkono ikoe djengé walirā, kang disentég, noeli disoeroeng; saben sasentégan, walirā ikoe disoeroeng mengiwa oetawa menengen, nibani lorogan pring oetawa kajoe kang woedjoedé kaja kentongan. Ing tjetiqé wong ikoe dipasang piranti kajoe, djengé por, diwangoen kaja tjekataqan oetawa gandéwa, ditalené kiwa tengen diolèhaké soepit, kenāhā dianggo sendèn ngiras ngentjengaké lawé, kang bakal ditenoen. Wong maoe njekeli tropong, kang ginawé woeloeh; ing djero isi lawé, kanggo pakan tenoenan. Saben njentég walirā sapisan, tropongé disloboqaké mengiwa oetawa menengen.

Moenggoeh lawasé wong nenoen djarit soetra ikoe watara rong poeloeh dina, déné kentèl oetawa setagèn loewih gelis.

sléndang teloe-h-watoe ikoe oegå soetrå-tenoenan, warnané
 iroe nganggo soelaman benangmas. Dèq djaman bijèn.
 sléndang teloe-h-watoe maoe kanggo paméran, sabab betjiq
 oepané sartå awèt kanggoné. Terkadang ånå wong tjelatoe
 bangkéné: „Sléndangkoe teloe-h-watoe iki tinggalané ninikoe
 bijèn”. Temboeng mangkono ikoe nélaqaké awèté sléndang
 eloe-h-watoe maoe, nganti biså temoeroen menjang anaq
 poetoe.

Saroepané bakal sandangan kang asalé sårå nagårå Walåndå
 oetåwå tanah Éropah ora ditenoen kåjå tjårå-tjarané ing tanah
 Djåwå kéné, nanging digiling nganggo mesin ånå ing pabrik-
 pabrik tenoenan. Kang digiling maoe ora ngemoengaké kapas
 baé, terkadang kapoeq, woeloe, serating, gegoðongan oetåwå
 serating babaqan kajoe. Ikoe kabèh biså dadi bakal sandangan.

Soetrå ikoe kang digawé lamat kang diasilaké déning oeler
 soetrå; sangkelat oetåwå laken sårå woeloening weðoes kang
 aloes, déné kang kasar biså dadi baboet.



E. G. G. G.

PALEMBANGSCHE BORDUURSTERS.

NJOELAM OETĀWĀ AMBLOEDIR.

Moenggoeh njoelam ikoe pagawéjan aloes. Barang soelaman ikoe pantjèn bagoes roepané, moelané ijā larang regané. Pārā wong soegih lan anaq·anaqé akèh kang demen nganggo sandangan soelaman oetāwā bloediran. Sandangan maoe kājāto: kopijah lan tjripoenē kadji oetāwā botjah-botjah, tjenélané wong wadon, klambi gedé kanggo pārā prijaji oetāwā pengantèn. Apā manèh klambiné pengantèn Tjinā oetāwā klambi gedé sing dianggo kapitan Tjinā, ikoe prasasat dibloedir kabèh. Saibā larangé!

Kang pādā njoelam ikoe loemrahé wong wadon; pārā njonjah-njonjah akèh kang wasis njoelam oetāwā ambloedir. Botjah-botjah lanang oegā akèh kang bisā njoelam oetāwā njongkèt, nanging njongkèt saboq sajèt nganggo dasar setrimin.

Bakalé soelaman ikoe bolah. bolah soetrā lan benangmas, déné dasaré mori, soetrā, sangkelat, bloedroe lan liijā-lijané.

Ing doewoer iki ānā gambaré wong njoelam.

Kang njoelam ikoe wong wadon loro, kang sidji isih prawan. Olèh-olèhané njoelam pādā kabèbèr ing eraq, roepā néngsi, bakal sléndang lan bakal mekenā. Kang ānā ngarepé wong wadon lan prawan ikoe telenan, djenengé midangan, wangoenē pesagi. Kang katon poetih dipentèng ing midangan ikoe soetrā poetih, kang bakal disoelam nganggo bolah soetrā. Kang ditjekel wong wadon ikoe dom kang wis dioelar-oelari bolah, disoendepaké karo tangané tengen, ditampani tangan kiwā. Mangkono sabandjoeré bola-bali.

Moenggoeh dapoeré soelaman ikoe warnā-warnā, ānā kang adapoer gegodongan, loeng-loengan, elar-elaran, oekel manoeq-

manoeqan lan sapanoenggalané. Wong njoelam ikoe koed
nganggo polâ, nanging wong kang woes wasis, moeng ang
tan bahé.

Akèh barang soelaman lan bloediran benangmas, kang dida
saraké ing toko-toko, wangoené kâjâ soelaman emas toelèn
nanging sanjatané akèh kang nganggo benangmas tiron. Mo
lané ora koerang-koerang wong kang kebloesoeq menjang
barang tiron. Jèn wong soemedyâ toekoe soelaman oetâw
bloediran kang toelèn, loewih beljiq weling menjang toekang
bloedir dèwé, soepâjâ âdjâ nganti kedoewoeng ing boeri.

Akèh pârâ njonjah bongsâ Walândâ kang ngedegaké pamo
langan, kanggo moelang njoelam lan ambloedir, sartâ akèh
nonah-nonah kang pâdâ sinaoe ing kono. Ora ngemoengaké
njoelam lan ambloedir bahé, dalah ambedahi klambi, andodomi
nganam, ngréndâ lan sapanoenggalané ijâ diwoelang. Botjah
wadon anaqé wong Djâwâ oegâ ânâ kang mèloe sinaoe,
nanging moeng sawatârâ, karo ora toetoeg, moelané kongsi
sapréné doeroeng ânâ wong wadon bongsâ Djâwâ, kang
ngedegaké pamoelangan mangkono ikoe.





PALEMBANGSCHE KANTWERKSTER
JAVAANSCH E KANTWERKSTER.

NGRÉNDÁ OETÁWÁ NGRANTIL.

Ing toko-toko ikoe enggon barang-barang; réndá tjá akéh, isih pādā dadi goeloengan; warnané roepā-roepā, sartā ānā kang ombā, ānā kang tjijoet. Kang digawé ānā kang sākā bolah aloes, ānā kang bolah soetrā, ānā manéh kang sākā benangmas. Woedjoed lan wewagoenané betjiq-betjiq.

Réndá ikoe goenané digawé ngrenggani pirantining omah, kájatā: digawé mlipit plisiring klamboe petoeron, klamboe djandélā, klamboe lawang, tilam petoeron oetāwā taplaq bangkoe, lè mèq lemari, mēdjā lan sapanoenggalané.

Réndá sing kanggo ngrenggā ing doewoer maoe réndá bolah; déné tepénning klambi, sléndang lan mekenā soq kerep diplipiti réndá, nanging réndá soetrā oetāwā benangmas. Sakabèhé barang kang dipinggiri réndá, ikoe woewoeh asri lan betjiq roepané.

Moenggoeh penggawéné réndá ikoe ngremit banget, mèh pādā karo ambloedir. Ing doewoer iki ānā gambaré botjah lan wong wadon lagi ngréndá. Pangréndané kang sidji manoet tjārā Palémbang, jā ikoe nganggo diwènèhi krančil pirang-pirang; sidjiné tjārā Djāwā, krančilé moeng papat. Kasoeran kang ānā ngarepé wong wadon ikoe diarani papan-pangréndan.

Botjah wadon ikoe tangané kang tengen njekel krančil, déné tangané kiwā njekel dom pirang-pirang. Dom maoe pādā ditjoeblesaké ing bantalan ngolah-ngalih, manoet wewangoenané réndá kang digarap. Kang woes rampoeng, pādā didokoqaké ing sisih tengené. Katon aloes banget garapané.

Wong wadon ikoe tangané kang tengen molahaké kranti kang kiwá nātā dom, manoet wangoené réndā oetāwā tepé kang digarap. Kang woes rampoeng, pādā didasaraké ngarepé. Tepèn maoe tjijoet, kang digawé kájā-kájā nangmas.

Ing koetā Soerābājā wis akèh wong Djāwā kang bis njoelam réndā oetāwā nepèni sarānā kranti, asilé diwetor aké menjang toko-toko. Réndā sagoeloeng kang loemrah dawané 12 ello, regané ānā kang f 0.75 nganti f 1.50; tepé kang sākā benangmas sagoeloeng ānā regā f 0.80 nganti f 1.20; déné kang sākā benangmas toelèn loewih laran manèh.

Sarèhning réndan lan tepèn ikoe setitik kanggoné, dal penggaotan bab ngréndā sartā nepi ikoe toemrapé nagā Soerābājā ora pati dadi kaoentoengané wong ing kono.